

Димитрий

Что еще имам творить богови угодна,
Да жизнь моя временна будет доброплодна.

Вера

Веруй крепко всем сердцем во истинного бога.
Аз, вера, тебе буду вечных благ дорога.

Надежда

Врагов не устрашайся, имей мя, надежду,
И тако облечешся в нетленну одежду.

Любовь

Аз, любовь, утверждаю, держи ю у тебе
И возлюби искрення, якоже сам себе.

Димитрий

Кого имам любить над бога моего?
Не отъемлю от того аз сердца своего.

Любовь

Ни, люби и человек, а нищих наипаче,
Который ради жажды и от алчбы плаче,
Напой, накорми, кричит, слушает никтоже,
Тех любовно призирай, и бог ти поможе.
Егда та нищим творишь, то богови творишь.
Сице ти во дом врата небесныи отворишь.

Димитрий

Благодарю ти, любве, за совет таковы,
Зреть и призирать буду аз нищих готовы.
Луппе, рабе и друже, сотвори ты тако,
Да будет ти со мною сердце одинако,
Возми вся от сокровищ и накупи пищи,
Нищих и бедных, молю, везде же приищи.
Пои и корми доволно усердно, молю тя,
Аще та сотвориши, зело похваляю тя.

Лупп

Готов, мой господине, любовно творити,
В сокровищное место, зволь благословити.

Димитрий

Иди се тебе, друг, и ключи вручаю,
Яко верен ми будеш, всенадежно чаю.

Нищие

Што, брат, сидимо долго, народ ли не ходит,
Што днесь ни полушечка нам всем не приходит.
Чим мы будем питатся, чим себе одеем,
Почто питающия песни не запоем,
Я слеп, дабы (да вы?) посмотрете, аще идут люде
Запоимо, что умеем, а полушечка буде,